



MAJLIS PERBANDARAN SEBERANG PERAI

TEKS UCAPAN

YBHG. DATO' Sr HAJI ROZALI HAJI MOHAMUD

YANG DIPERTUA MPSP

SEMPENA

**“SAMBUTAN HARI LANDSKAP NEGARA
PERINGKAT NEGERI PULAU PINANG 2017”**

19 DISEMBER 2017 (SELASA)

8.30 PAGI

BERTEMPAT DI KAWASAN LAPANG TAMAN BERSATU

NIBONG TEBAL, SPS

Disediakan oleh Jabatan Korporat dan Perhubungan Antarabangsa

Terima kasih Saudara/Saudari Pengacara Majlis

Yang Berhormat Dato' Hj Mohd Rashid bin Hasnon

Timbalan Ketua Menteri 1

Yang Berhormat Dato' Seri Farizan Bin Darus

Setiausaha Kerajaan Negeri Pulau Pinang

Yang Berhormat Tuan Phee Boon Poh

Ahli Majlis Mesyuarat Kerajaan Negeri Pulau Pinang

Merangkap Pengerusi Jawatankuasa Kebajikan, Masyarakat Penyayang
& Alam Sekitar

Yang Berhormat Dato' Mansor Bin Haji Othman

Ahli Parlimen Nibong Tebal

Yang Berhormat Tuan Soon Lip Chee

Ahli Dewan Undangan Negeri Kawasan Jawi

Yang Berbahagia Dato' Maimunah Mohd Sharif

Datuk Bandar Majlis Bandaraya Pulau Pinang

YBhg. Tpr Dato' Haji Mohd Anuar Bin Maidin

Pengarah PlanMalaysia@Pulau Pinang

Yang Dihormati Ahli Majlis-Ahli Majlis

Majlis Perbandaran Seberang Perai dan Majlis Bandaraya Pulau Pinang

Yang Berusaha Ar. Yew Tung Seang

Setiausaha Bandaraya

Majlis Bandaraya Pulau Pinang

Yang Berusaha Puan Ir Hj Rosnani binti Hj Mahmud

Setiausaha Perbandaran

Majlis Perbandaran Seberang Perai

Ketua – Ketua Jabatan dan Pegawai

Majlis Perbandaran Seberang Perai dan Majlis Bandaraya Pulau Pinang

Agensi-agensi Kerajaan dan swasta

JKKK Taman Bersatu, Nibong Tebal

Rakan-rakan media

Semua hadirin dan hadirat sekalian

YB Tuan/ Tuan-Tuan Dan Puan-Puan Yang Dihormati Sekalian

Assalamualaikum warahmatullahi wabarakatuh,

Selamat pagi dan salam sejahtera,

Terlebih dahulu saya ingin mengalu-alukan kehadiran Yang Berhormat Timbalan Ketua Menteri 1, Yang Berhormat Dato' Haji Mohd Rashid Bin Hasnon, YB Dato' Seri Farizan Bin Darus, YB Tuan Phee Boon Boh, YB Dato' Mansor Bin Haji Othman, YB Tuan Soon Lip Chee, YBhg. Dato' Maimunah Mohd Sharif, YBhg. Tpr. Haji Mohd Anuar Bin Maidin dan semua hadirin hadirat yang hadir ke Majlis Sambutan Hari Landskap Negara Peringkat Negeri Pulau Pinang 2017 yang diadakan di kawasan lapang Taman Bersatu, Nibong Tebal.

Tema yang dipilih untuk sambutan Hari Landskap Negara Peringkat Negeri Pulau Pinang kali ini adalah "**Gerakan Rakan Taman Untuk Kesejahteraan Penduduk Bandar**". Tema ini dipilih bagi

mewujudkan rakan taman di kawasan-kawasan lapang memandangkan kawasan-kawasan lapang ini seringkali digunakan oleh komuniti setempat untuk tujuan riadah dan rekreasi. Rakan Taman merupakan satu gerakan kesukarelaan dikalangan masyarakat yang berfungsi untuk sama-sama dengan Majlis menjaga dan memelihara kawasan lapang MPSP. Selain itu, dengan adanya rakan taman ini dapat membantu MPSP dalam memantau dan mencegah aktiviti vandalisme serta gejala yang tidak sihat di kawasan-kawasan tanah lapang milik MPSP. Disamping itu, ianya juga dapat menyemai kesedaran dalam kalangan masyarakat dan untuk menzahirkan sifat sayang kepada entiti landskap.

Pada tahun ini sempena dengan tema “**Gerakan Rakan Taman Untuk Kesejahteraan Penduduk Bandar**”, MPSP dan komuniti Seberang Perai telah dengan segeranya menyahut seruan ini untuk berkerjasama, bantu-membantu di dalam menjaga dan menyelenggara taman-taman awam berdekatan dengan tempat tinggal mereka. Pada hari ini terdapat lima (5) rakan taman yang akan diberi sijil penghargaan kerana mereka merupakan rakan taman yang sulong yang ditubuhkan sempena tema “**Gerakan Rakan Taman Untuk Kesejahteraan Penduduk Bandar**”. Walau bagaimanapun, daripada semasa ke semasa, MPSP akan melantik rakan taman di kawasan atau lokasi yang lain pula untuk komuniti membantu menjaga kawasan lapang.

Kawasan Lapang Taman Bersatu, Nibong Tebal ini dipilih untuk Sambutan Hari Landskap Negara Peringkat Negeri Pulau Pinang 2017 kerana keadaan lokasinya yang menarik dan mempunyai keluasan taman yang agak luas iaitu 7387 meter persegi dan sesuai untuk sebarang bentuk aktiviti atau program penduduk setempat.

MPSP telah dinaiktaraf Kawasan Tanah Lapang Bersatu ini pada tahun lepas yang mana ianya menelan belanja sebanyak RM182,030.00. Komponen-komponen yang telah dinaiktaraf adalah penanaman pokok renek dan pokok-pokok teduhan, laluan pejalan kaki, wakaf, peletakan tong sampah, bangku-bangku taman, alat permainan kanak-kanak dan kemudahan-kemudahan senaman. Saya berharap dengan adanya gerakan rakan taman ini akan dapat membantu majlis dalam menjaga keindahan dan keselamatan kemudahan-kemudahan ini.

Pada hari ini, kita dapat melihat pelbagai aktiviti diadakan seperti pameran-pameran, pertandingan menggubah buah, teka silang kata dan diserikan dengan persembahan daripada Pasukan Kompang dan Tarian PUSPANITA MPSP. Terima kasih yang tidak terhingga diucapkan kepada semua yang telah menjayakan pameran-pameran pada hari ini iaitu daripada:

- i. Jabatan Alam Sekitar
- ii. Jabatan Taman Botani
- iii. Jabatan Kesihatan Negeri
- iv. Aspen Group
- v. Pejabat Daerah dan Tanah SPS
- vi. Jabatan Perancang Bandar MPSP
- vii. Eurasia Express
- viii. Polis Di Raja Malaysia, SPS

MPSP mempunyai 12 Taman Rekreasi Awam iaitu lima (5) di SPU, lima (5) di SPT dan dua (2) di SPS manakala kawasan-kawasan lapang MPSP ialah sebanyak 1241 lokasi. Ini merupakan satu cabaran yang hebat untuk MPSP menyelenggara kawasan tersebut sekiranya tiada kerjasama daripada penduduk setempat.

Oleh itu, MPSP sentiasa mengamalkan pendekatan *customer centric* dengan memberi peluang kepada penduduk dan syarikat-syarikat swasta melibatkan diri dalam kehijauan dan pengindahan. Terdapat sebanyak 27 projek CSR yang telah siap dilaksanakan di ketiga-tiga daerah dengan nilai RM7,529,545.70. MPSP masih mempunyai lapan (8) lokasi di SPU, 14 di SPT dan sepuluh (10) yang masih belum ditaja. Saya ingin menjemput mana-mana syarikat swasta atau JKKK yang berminat untuk memilih lokasi (boleh dapatkan

daripada Jabatan Landskap MPSP) untuk bersama-sama MPSP dalam menjayakan projek keindahan dan kehijauan ini.

Sebagai tanda penghargaan kepada syarikat-syarikat yang telah melibatkan diri dalam projek keindahan dan kehijauan, sijil-sijil penghargaan akan diberikan kepada 17 penaja-penaja program CSR di MPSP dan tiga (3) penaja program di MBPP.

MPSP berjanji untuk menunaikan kehendak komuniti Seberang Perai yang mahukan Seberang Perai menjadikan sebuah bandaraya rendah karbon pada tahun 2022. MPSP juga mensasarkan sebanyak 3000 batang pokok ditanam setiap tahun mulai tahun 2018 hingga 2022. Selain itu, pada tahun 2018, MPSP akan mengadakan satu program yang dikenali sebagai “*One Baby One Tree*” di mana setiap bayi yang lahir akan diberi penghormatan kepada ibu atau bapanya untuk menanam sepokok di kawasan tanah lapang milik MPSP yang akan dikenalpasti. Program-program sebegini diadakan adalah bagi mencapai hasrat untuk mengindahkan dan menghijaukan kawasan Seberang Perai. Untuk makluman, sehingga kini MPSP telah berjaya menanam sebanyak 243,000 batang pokok daripada pelbagai jenis dan secara tidak langsung menghasilkan 30.62 kilo tan oksigen dan sebanyak 5.346 kilo tan karbon dioksida diserap dalam tempoh setahun.

Harapan saya adalah semoga Sambutan Hari Landskap Negara 2017 Peringkat Negeri Pulau Pinang ini mampu meningkatkan kesedaran masyarakat terhadap kewujudan taman-taman awam untuk mereka beriadah dan melakukan aktiviti-aktiviti kecergasan dan seterusnya dapat membina kehidupan masyarakat yang lebih sihat. Jagalah taman rekreasi dan taman kejiranan kita dengan baik. Hargailah alat-alat kemudahan rekreasi dan senaman yang disediakan. Janganlah rosakkan peralatan atau kemudahan senaman sedia ada yang ada.

Sebelum mengakhiri ucapan saya ini, sebagai urusetia program Sambutan Hari Landskap Negara Peringkat Negeri Pulau Pinang 2017, saya ingin mengucapkan ribuan terima kasih kepada semua yang terlibat secara langsung dan tidak langsung dalam menjayakan program ini. Semoga “ **Gerakan Rakan Taman Untuk Kesejahteraan Penduduk Bandar**” dapat direalisasikan dengan jayanya.

Sekian, terima kasih. *Wabillahi Taufik Wal Hidayah, Wassalamualaikum Warahmatullahi Wabarakatuh.*